

სახელმწიფო შესყიდვის შესახებ ხელშეკრულება N20

ქალაქი ბათუმი

მარტი 2020 წელი

ერთის მხრივ შპს „სტადიონი“ (შემდგომში „შემსყიდველი“), წარმოდგენილი დირექტორის ჯაბა სურმანიძის სახით და მეორეს მხრივ შპს „უსტა“ (ს/ნ 402129451) (შემდგომში „მიმწოდებელი“), წარმოდგენილი დირექტორის დავით გველესიანის სახით, „სახელმწიფო შესყიდვების შესახებ“ საქართველოს კანონის და შპს „უსტა“-ს სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადების ნომერი; კლასიფიკატორის (CPV) კოდი 42900000 - დისპენსერები) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების საერთო ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს საქონლის მიწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „საქონელი“ - ხელშეკრულების მე-2 პუნქტით გათვალისწინებული ხელშეკრულების საგანი;
- 1.8. „ფასების ცხრილი“ - მიმწოდებლის მიერ ელექტრონული ტენდერის ფარგლებში წარმოდგენილი „ფასების ცხრილი“, რომელიც თან ერთვის ხელშეკრულებას და წარმოადგენს მის განუყოფელ ნაწილს;

2. ხელშეკრულების საგანი

2.1. წინამდებარე ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს ქალაქ ბათუმში, ყოფილი მანქანათმშენებელი ქარხნის ტერიტორიაზე (მიწის ნაკვეთის ს/კ 05.27.05.027) 20000 მაყურებელზე გათვლილი UEFA-ს IV კატეგორიის საფეხბურთო სტადიონისათვის საჭირო დისპენსერები (თანმდევი მომსახურება-მონტაჟით) (CPV42968000) (შემდგომში „საქონელი“) წინამდებარე ხელშეკრულებითა და ფასების ცხრილით განსაზღვრული პირობების შესაბამისად, ხოლო, შემსყიდველი კისრულობს ვალდებულებას მიიღოს მიწოდებული საქონელი და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს **21 291** (ოცდაერთი ათას ოთხმოცდათერთმეტი) ლარს დღგ-ს ჩათვლით;
- 3.2. ხელშეკრულების ღირებულება შესაძლებელია დაზუსტდეს ფაქტიურად მიწოდებული საქონლის ღირებულების შესაბამისად;
- 3.3. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებსა და გადასახდელებს, რომელთა გადახდაზე პასუხისმგებელია მიმწოდებელი.

4. ანგარიშსწორების ფორმა და პირობები

- 4.1. ანგარიშსწორება მოხდება უნაღდო ანგარიშსწორებით ლარში;

4.2. წინასწარი ანგარიშსწორება არ გამოიყენება;

4.3. მიმწოდებელთან ანგარიშსწორება განხორციელდება ერთჯერადად ფაქტობრივად მიწოდებული საქონლის მიწოდების თაობაზე მხარეებს შორის გაფორმებული მიღება-ჩაბარების აქტის შედგენისა და შესაბამისი საგადასახადო დოკუმენტაციის წარმოდგენიდან 10 (ათი) სამუშაო დღის ვადაში;

4.4. თუ საბოლოოდ მიწოდებული საქონლის ღირებულებამ არ შეადგინა ხელშეკრულების საერთო ღირებულება, შემსყიდველი მიმწოდებელს გადაუხდის ფაქტიურად მიწოდებული საქონლის ღირებულებას. შესაბამისად, მიმწოდებელს პრეტენზია არ უნდა გააჩნდეს აუთვისებელ თანხაზე.

5. მიღება-ჩაბარების წესი

5.1. მიღება-ჩაბარებას ახორციელებენ სათანადოდ უფლებამოსილი პირები;

5.2. შემსყიდველის მხრიდან მიღება-ჩაბარებაზე უფლებამოსილი წარმომადგენლებია შემსყიდველი ორგანიზაციის ხელმძღვანელის მიერ განსაზღვრული პირ(ებ)ი;

5.3. საქონლის მიღება-ჩაბარება განხორციელდება ერთჯერადად.

6. მიწოდების ადგილი და ვადა

6.1. მიწოდების ადგილია ქალაქი ბათუმი, ყოფილი მანქანათმშენებელი ქარხნის ტერიტორია (მიწის ნაკვეთის ს/კ 05.27.05.027);

6.2. საქონლის მოწოდება უნდა განხორციელდეს ერთჯერადად, ხელშეკრულების გაფორმების შემდგომ, შემსყიდველის წერილობითი მოთხოვნიდან 45 კალენდარული დღის ვადაში.

7. მხარეთა უფლება-მოვალეობანი

7.1. შემსყიდველს უფლება აქვს შეამოწმოს მიწოდებული საქონლის შესაბამისობა წინამდებარე ხელშეკრულებით გათვალისწინებულ პირობებთან;

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული ვადებისა და პირობების შესაბამისად;

7.2.2. უზრუნველყოს საქონლის მიღება ამ ხელშეკრულებით დადგენილი პირობების გათვალისწინებით;

7.3. მიმწოდებელს უფლება აქვს მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების გათვალისწინებით;

7.4. მიმწოდებელი ვალდებულია:

7.4.1. დაიცვას ხელშეკრულებით გათვალისწინებული ყველა პირობა;

7.4.2. შეასრულოს ხელშეკრულებით აღებული ვალდებულებები სათანადო ხარისხითა და აუცილებელი მოცულობით, იმ ვადაში, რომელიც მითითებულია ხელშეკრულებაში;

7.4.3. შემსყიდველის მოთხოვნის შემთხვევაში წარუდგინოს შემსყიდველს მოსაწოდებელი საქონლის ნიმუშები. იმ შემთხვევაში თუ მიმწოდებლის მიერ შემსყიდველისთვის წარდგენილი ნიმუში (ან ნიმუშები) იქნება მიუღებელი მიმწოდებელი ვალდებულია წარმოადგინოს ახალი ნიმუშები.

8. ხელშეკრულებით ნაკისრი ვალდებულებების შესრულების კონტროლი

8.1. ხელშეკრულების შესრულების კონტროლს განახორციელებს შემსყიდველი ორგანიზაციის ხელმძღვანელის მიერ განსაზღვრული პირ(ებ)ი;

8.2. კონტროლი გულისხმობს მიმწოდებლის მიერ ხელშეკრულების პირობების შესრულების მიმდინარეობის კონტროლს.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულების 6.2. პუნქტით გათვალისწინებული ვალდებულების დარღვევის შემთხვევაში, მიმწოდებელს დაეკისრება პირგასამტეხლო ხელშეკრულების ღირებულების 0,02%-ის ოდენობით ყოველ ვადაგადაცილებულ დღეზე;

9.2. შემსყიდველს 4.3. პუნქტით გათვალისწინებული ვალდებულების დარღვევის შემთხვევაში დაეკისრება პირგასამტეხლო ასანაზღაურებელი თანხის 0,02%-ის ოდენობით ყოველ ვადაგადაცილებულ დღეზე;

9.3. ხელშეკრულებით ნაკისრი ვალდებულებების შეუსრულებლობის გამო მიმწოდებელთან ხელშეკრულების შეწყვეტის შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით;

9.4. დარიცხული პირგასამტეხლოს თანხის დაკავება განხორციელდება მიმწოდებელზე ასანაზღაურებელი ღირებულებიდან, ან მოხდება საბანკო გარანტიის გამოყენება;

9.5. იმ შემთხვევაში, თუ დარიცხული პირგასამტეხლოს თანხა აღემატება მიმწოდებელზე ასანაზღაურებელ ღირებულებას, მიმწოდებელი ვალდებულია პირგასამტეხლოს თანხა ჩარიცხოს შეტყობინებაში მითითებულ საბანკო ანგარიშზე შეტყობინების მიღებიდან 10 (ათი) სამუშაო დღის ვადაში;

9.6. პირგასამტეხლოს გადახდა არ ათავისუფლებს მიმწოდებელს ხელშეკრულებით განსაზღვრული ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;

10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

10.3. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა სახელმწიფო შესყიდვების მარეგულირებელი კანონმდებლობით გათვალისწინებული შემთხვევებისა;

10.4. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის წერილობითი შეტყობინების შემდეგ:

ა) თუ შემსყიდველი დარწმუნდება, რომ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს ხელშეკრულებით ნაკისრი ვალდებულებები;

ბ) თუ ხელშეკრულების 9.1., ქვეპუნქტის საფუძველზე დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 1%-ს;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში;

11.2. ხელშეკრულების 11.1. პუნქტში მითითებულ შემთხვევებში შემსყიდველი აანაზღაურებს ფაქტიურად მიწოდებული საქონლის ღირებულებას;

11.3. შემსყიდველი ვალდებულია არანაკლებ 5 (ხუთი) დღით ადრე წერილობით აცნობოს მიმწოდებელს

12.1. პუნქტით გათვალისწინებული გადაწყვეტილების მიღების განზრახვის თაობაზე;

11.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად შეწყვიტოს ხელშეკრულება, მოქმედი კანონმდებლობით დადგენილი წესითა და პირობებით;

11.5. ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. გარანტია

12.1. მიმწოდებლის მიერ ხელშეკრულებით მიწოდებული საქონლის ხარისხი და სტანდარტები უნდა შეესაბამებოდეს ხელშეკრულებით განსაზღვრულ პირობებს.

და მსგავსი მომსახურებისათვის აღიარებულ სტანდარტებსა და ნორმებს.

12.2. შესყიდვის ობიექტზე უნდა ვრცელდებოდეს გარანტია მიღება-ჩაბარების აქტის გაფორმების დღიდან 1 წლის განმავლობაში.

12.3. შემსყიდველის მხრიდან შესყიდვის ობიექტის ექსპლუატაციის ნორმების დაცვის შემთხვევაში, საგარანტიო ვადის განმავლობაში მიმწოდებელმა საკუთარი ხარჯებით (ტრანსპორტირების ხარჯების ჩათვლით) უნდა აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი, საჭიროების შემთხვევაში უზრუნველყოს წუნდებული შესყიდვის ობიექტის შეცვლა ახლით, ასეთი ნაკლის შესახებ შემსყიდველის მიერ მიმწოდებლისათვის შესაბამისი წერილობითი შეტყობინებიდან (მათ შორის ელექტრონული საკომუნიკაციო საშუალების გამოყენებით) შემსყიდველთან შეთანხმებულ გონივრულ ვადაში, მაგრამ არაუგვიანეს 10 (ათი) კალენდარული დღის განმავლობაში, გარდა იმ შემთხვევისა, თუ ასეთი ხარვეზი გამოწვეულია ნივთის მექანიკური დაზიანებით.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით;

13.2. ამ პუნქტის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებთან და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი;

13.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს ორი სამუშაო დღის ვადაში წერილობით უნდა აცნობოს მეორე მხარეს აღნიშნული გარემოების დადგომის შესახებ;

13.4. 13.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან;

13.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე;

13.6. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

14.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად;

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

15.4. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

15.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით;

- 15.6. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, შესრუდება ქართულ ენაზე;
- 15.7. უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს;
- 15.8. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მხარეებთან.

16. ხელშეკრულების მოქმედების ვადა

- 16.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 31 დეკემბრის ჩათვლით;
- 16.2. ხელშეკრულებით ნაკისრი ვალდებულებების შესრულების მოთხოვნის უფლება ძალაში რჩება ხელშეკრულების მოქმედების ვადის გასვლის შემდეგაც.

17. მხარეთა რეკვიზიტები

„შემსყიდველი“

შპს „სტადიონი“

მის. ქ. ბათუმი, მ.აბაშიძის ქ. N16-18.

ს/კ 445409415

დირექტორი

ჯაბა სურმანიძე

„მიმწოდებელი“

შპს „უსტა“

მის. ქ. თბილისი, წერეთლის გამზ. N55

სს „თიბისი ბანკი“

ბანკის კოდი TBCBCE22

ა/ა N GE79TB7655736020100002

ს/კ 402129451

დირექტორი

დავით გველესიანი



თბილისი, ა.შარატელის 55/1-75
ustadato@yahoo.com gsm 599354435
TBCBGE22 GE79TB7655736020100002

დირექტორი
გველესიანი

დავით



ფასების ცხრილი

დანართი N1

N	დასახელება	ტექნიკური მახასიათებლები	პრეტენდენტის მიერ შემოთავაზებული საქონლის ტექნიკური მახასიათებლები	საილუსტრაციო სურათი	რაოდენობა	ერთეულის ფასი	საერთო ღირებულება	წარმოშობის ქვეყანა და მწარმოებელი კომპანია
1	ტუალეტის ქაღალდის დისპენსერი მექანიკური	უჟანგავი მეტალის, კედელზე დასამონტაჟებელი, საკეტი, დიამეტრი: არანაკლებ 220 მმ	უჟანგავი მეტალის, კედელზე დასამონტაჟებელი, საკეტი, დიამეტრი: 250 მმ		126	32,00	4032,00	წარმოშობის ქვეყანა: თურქეთი მწარმოებელი: DOMAKS METAL
2	ტუალეტის ქაღალდის საკიდი	კედელზე დასამაგრებელი უჟანგავი მეტალის ტუალეტის ქაღალდის დასამაგრებელი გრაგნილით	კედელზე დასამაგრებელი უჟანგავი მეტალის ტუალეტის ქაღალდის დასამაგრებელი გრაგნილით		92	18,00	1656,00	წარმოშობის ქვეყანა: თურქეთი მწარმოებელი: DOMAKS METAL
4	ხელსახოცის დისპენსერი მექანიკური N1	ქაღალდის პირსახოცის უჟანგავი მეტალის დისპენსერი საკეტი, კედელზე დასამონტაჟებელი	ქაღალდის პირსახოცის უჟანგავი მეტალის დისპენსერი საკეტი, კედელზე დასამონტაჟებელი		60	24,00	1440,00	წარმოშობის ქვეყანა: თურქეთი მწარმოებელი: DOMAKS METAL

5	ხელსახოცის დისპენსერი მექანიკური N2	უჟანგავი მეტალის დისპენსერი საკეტიტო, კედელზე დასამონტაჟებელი ქაღალდის მოცულობა არანაკლებ 400 ცალი	უჟანგავი მეტალის დისპენსერი საკეტიტო, კედელზე დასამონტაჟებელი ქაღალდის მოცულობა 400 ცალი		77	27,00	2079,00	წარმოშობის ქვეყანა: თურქეთი მწარმოებელი: DOMAKS METAL
6	თხევადი საპნის მექანიკური დისპენსერი N1	უჟანგავი მეტალის კედელზე დასამონტაჟებელი მოცულობა არანაკლებ 1 ლ	უჟანგავი მეტალის კედელზე დასამონტაჟებელი მოცულობა 1,1 ლ		87	23,00	2001,00	წარმოშობის ქვეყანა: თურქეთი მწარმოებელი: DOMAKS METAL
7	თხევადი საპნის მექანიკური დისპენსერი N2	უჟანგავი მეტალის კედელზე დასამონტაჟებელი მოცულობა არანაკლებ 1 ლ	უჟანგავი მეტალის კედელზე დასამონტაჟებელი მოცულობა 1,1 ლ		104	35,00	3640,00	წარმოშობის ქვეყანა: თურქეთი მწარმოებელი: DOMAKS METAL
8	თხევადი საპნისა და დეზინფექციის დისპენსერი	კედელზე დასამონტაჟებელი მოცულობა არანაკლებ 0,5 ლ ზომები : 260 X 95 X 180 მმ	კედელზე დასამონტაჟებელი მოცულობა 0,5 ლ ზომები : 260 X 95 X 180 მმ		8	100,00	800,00	წარმოშობის ქვეყანა: თურქეთი მწარმოებელი: DOMAKS METAL
9	უნიტაზის დასაჯდომის საფენის დისპენსერი	უჟანგავი მეტალის კედელზე დასამონტაჟებელი	უჟანგავი მეტალის კედელზე დასამონტაჟებელი		209	27,00	5643,00	წარმოშობის ქვეყანა: თურქეთი მწარმოებელი: DOMAKS METAL
	საერთო ღირებულება დღგ-ს ჩათვლით						21291,00	